

摘藻堂四庫全書薈要

集部

欽定四庫全書薈要

集部

御製詩二集卷

七

詳校官原任編修臣徐立綱



欽定四庫全書薈要卷一萬三千三百三十四集部

御製詩二集卷七

古今體七十九首

戊辰七

秋季御園即景雜詠

湖山景自分
霽空澄朗絕纖氛
風前錦樹披紅雨
夏首青堤憶綠雲
圖展鵲華懷勝賞
壚焚雞舌有清芬
奏章每稔災田少
稍慰祈年適靜欣

瑤軒汲古閱居諸
明影踈櫺暖氣舒
大邑甕瓶宜供菊

小園鳳茗當澆書夢緣孰辨蕉成鹿詩料何須獺祭魚

即景茗華吟落葉

向作落葉詩命張照書已勒石

應嗤夙習未全除

莫謾霜華展齒侵午亭閒趁一幽尋樓臺入畫成蓬閣
山水當秋効靜深幾許崇情託遠跡無邊清況愜澄襟
小齋新構名無倦擬欲書屏大寶箴

試詢造物意何為栽者培之傾覆之霜葉打窓晴亦雨
秋山入幌畫兼詩餘乾惕志常觀易無勝負心何礙碁
菊秀松挺皆妙契底求仙藥事安期

新月

踈梧樓角影朦朧
皓彩寒光滿碧空
依然今夕是何夕
已過中秋又欲中
無端感觸增爾許
只此虧盈竟莫窮
黃花節屆西成美
底較常年興不同

今秋各省告豐者多
既慰以懼并示近臣

御宇十三年
厯久知艱巨
幅員既云廣
豈無水旱處
設

存喜豐心
必有諱災者
叶每囑守土臣
莫作文飾語
希

粟常不惜溝壑
藉少補今歲

天降恩遠近京坻覩偏祲只數州已勅勤賑撫江浙春
米貴落半平其賈倉廩足河洛鴻雁蘇齊魯金川方用
兵黔黎亦已苦更幸高下熟轉輸差易取嗟嗟我臣工
屢豐爾莫詡餘三亦謾言毋乃增其估各省向於秋成時買補常平倉
穀市價頓增因命悉準康熙雍正年間舊額已足者停之教養固無施欲速詎其可
叶

永惟否泰機益增乾惕所

九月五日詣

暢春園恭請

皇太后聖安即視事於觀瀾榭引見於大西門其地長
樓橫亘即

皇祖曩時閱射處也爰親御弧矢集近侍諸臣較射時
惟深秋風高日晶氣候清肅弓手相調連發二
十矢中一十有九儒臣侍列與觀者援唐臣元
武闕觀射故事賦詩進覽因用侍郎齊召南韻
成四律紀之

暢春松柏茂南山

王母樓臺瑞靄間侵曉問

安欽養志競辰考政敢偷閒惟寅宗伯應輪直啟事山

公更合班

是日禮部值班奏事
吏部亦帶領引見

次第指揮還有暇便教

玉靶一親彎

延樓橫嶺正相當遙見扶空樹葉黃

示儉已看霏細草縱禽底用獻長楊論文誰繼伯僑庶
較藝原多斛律先安不忘危古有戒金川況未靖天狼
憶年十二此呼嵩

聖眷靈承衆不同，每向月輪能中鵠遂蒙。

天笑亦頒弓。

子侍

皇祖於此閱射時年甫十二蒙皇祖指授射法輒能發矢命中仰荷

嘉獎倏忽廿餘年矣

玉墀肅列猶鴛鴦，匡衛紛趨如虎熊。我孫貞

觀能致治，且循習射教臣工。

秋原馭娑一鳴鞭，遠入煙隄近柳前。橫過綠殘紅重嶺，

俯看雲白菊黃天。幙頭導中誠堪笑。

宋周密燕射記淳熙元年孝宗幸玉

津園講燕射禮立招箭班紫衣幙頭立於垛前御箭之來能以幙頭取勢轉導入的

連網周陞未

是田厯覽西成堪額慶，敢忘兢業訓豐年。

九日漫賦

歛雲溽露屆重陽依舊楓丹與菊黃不可無詩酬節物
亦惟寫怨向秋光茱萸遍挿人應少鴻雁頻來歲底忙
待欲登高心已懶香山西望數峯蒼

問景何妨破曉寒芳辰風物儻來看霜殷山色連雲壁
風颭波紋響雪湍對菊忽沾今日淚題糕恰憶去年歡
我慚杜老吟秋筆且數當秋強自寬

題倪瓚畫竹

風裏試披清奏籟月中乍展宛飛龍一梢已占琅玕性
千畝如看煙雨重

立冬日香山靜宜園駐蹕

急景催風物名山散抱懷林疎見遠墅松好護幽齋泉
帶冰聲冷菊含霜色佳目謀殊興會誰與巧差排

漫補登高約

今歲重九未至香山登高

聊抒望遠襟乾坤千古運天

地一人心契妙神常達忘筌思亦深衙官屈宋者祇道

解工吟

遇閏渾移候元冥代白藏
坳停縱餘綠谿勃早漂黃似
畫排村落如墉在圃場
即茲真告瑞和叔漫呈祥

每逢節候

欽天監例有占風之奏然
率用休徵亦殊不足憑云

玉華岫作

連峰多峭拔於此得坦麓
照園建已古就旁聊構築
斷手今兩年新笋率成竹
據榻一室幽開窓萬景足
陽莎未改青晚桂猶餘馥
四時趣各異一晌會偏獨
點筆沈寥天清風與同穆

卽事

颯景近三餘閒懷聊一抒
菊花依石瘦松月上窓虛
鳬鼎烹龍茗蓮檠校竹書
隔雲鐘度處始悟此山居
木落山容秀煙低眼界超
便教吟朔節底用憶春翹
玉軫誰能譜金猊適可燒
靜觀欣有得直欲傲松喬

晞陽阿

卽朝陽洞

古洞香山隩錫名曰晞陽
盤盤厯曲棧宛宛成迴岡
精舍構其間冬溫夏復涼
四序無不佳斯時景最良
一窓

暖日明萬嶂石林蒼水泉哀玉聲霜葉水晶光近郭與
遠村烟裏辨微茫披卷晤古人獲我中心藏

夜

深堂寒不到落日山逾靜萬籟於焉息良夜即以永壚
凝通夕篆窓含古月影散悶惟觀書消閒亦烹茗忽憶
蜀西軍頓使予心耿

雨香館

雲軒樹杪幾楹懸縱目憑陵萬景全漫道冬山偏寂寞

好因古澹見天然

題靜室

即香霧窟

香霧窟堪稱靜室最高處迥出凡塵

香山室宇惟此處最高

吟哦

舊句渾如昨慘淡冬山亦可人
撫栢便同叅道莞聽泉
直欲息言津風巖木葉蕭蕭下
會待明年特地新

曉

冬夜難為曉山中曉益遲雞鳴谷響答月落樹陰移
秉燭觀書罷臨軒問政時
獨思夙興者母乃太奔波

冬日遊香界寺

聖感西山西歲久惜顏敗去夏偶曾遊長詩紀其概布
施發餘資非帑庸何害煥然茲一新易名曰香界落成
來瞻禮芻芻騰梵唄於左構精廬小憩亦足快山木葉
已落縱目窮衆態雖謝晚菊芳未改風松籟俯眺澗口
溪一一分源派我聞金剛身圓成無興壞禪流頌悲檀
忌墮妄語戒

寶珠洞

極頂何來洞穴深
仙風吹送八琅音
箇中疑有天龍護
時作人間六月霖

是處真稱迥出凡
天花馥馥落雲巖
恰如觀象讀周易
六位成章索得咸

天半軒齋一倚楹
初冬風物值晴明
即今一晌拈吟處
何似去年望裏情

去歲至聖感而未至是處故云

大悲寺賜僧古梅

遊山喜值深秋暖
過寺偶因香界迴
雲岳鐘聲還斷續

月天闕影自崔嵬
寂欣淨室繞方丈
恰稱禪僧號古梅
設使翠巖重著語
眉毛羸得白皚皚

碧雲寺

九月二十日

香土開天半雲垣
築畝平坐窮千里
目葆平聲檢九秋清

霜後松生翠風前
瀑怒鳴自非來淨
域誰解息塵情

佛日增輪奐

重新碧雲寺以是日落成

霜天湊潔鮮六檀
非所論萬

景得教全似盡開
屏寫成詩磨壁鐫
石橋今又過忽憶

虎溪邊

九月二十五日奉

皇太后還宮之作

園林秋老法宮旋室處聊賡七月篇一喜

萱階輝愛日空悲

椒壁慘冰天霜寒苑卉餘籤菊夜永宮壺數漏蓮卽漸
履長將獻歲芳辰未至已愀然

夢

月宇誰為鉢星宮獨自歸設云全是幻何以淚霑衣

孟冬時享

太廟

元英纔節屆

齋祭以時將

太室卿雲煥

五朝帝烈光追思曷有極一脉永流慶制治慙成泰書

年幸告康

今歲各省告豐多而報災少用是稍慰云

惕乾心久切儀式志寧

皇

愷儉相通處惟祈我武揚

是時金川餘孽未靖
正值命將出師故云

賜傅恒經畧金川

壯齡承廟畧一矢靖天狼
番部最爾蠢王師武必揚
愷予西顧久嘉汝赤心良
捷伐救么寇撫循集衆長
斯能成偉績用幹不庭方
佇看銷兵氣敷天日月光

頒朔

午門晴旭麗瞳矐頒朔威儀集百工
東鰈西鷄萬邦奉宵衣旰食一篇中
春秋無那成今昔箕畢還因協雨風

消息貞元頻靜驗統天一氣運無窮

明窓

冬日故可愛況在明窓間網軒靜微風
蠅牖散嫩暄歲功驗玉燭時序窺銅
渾三餘于焉適萬幾聊以閒陡憶蜀
西軍遐心數往還

批摺口號

每覽報豐常意喜及批告歎輒眉顰
非關片刻心無定愁亦由衷慰亦真

陰

瓦鴛霰先集天衣雲作同漸欲韜盾日且喜收襄風今
年秋麥佳近遠綠芄芄三白倘應時可卜來年豐欲速
習未除盼雪先三農凡事豫則立陰晴課初冬

李山風雪杉松卷

千峰如睡玉為皴落落拏空本色真茅屋把書寒不輟
斯人應是友松人

鄒復雷春消息圖即用其韻

一氣為春去必回誰將消息付寒梅蕊珠仙妬女夷巧

偷先

去聲

東風特地來

題黃色辟邪玉圭

方水生瑤瑾雲英靜以腴截肪奚可喻蒸栗得曾無猶

見先王制如逢君子儒何須檢唐史附會詗天符

是玉人稱

為元黃天符按唐肅宗本紀載楚州獻寶玉十三一曰
元黃天符其制上圓下方近圓有孔今是玉上下俱方
兼有二孔規制不侔
殆後人附會之說云

盆橘

是樹自盤山天成寺携來層臺團團頗異凡卉育
之凡五年矣

盆橘携霜色垂垂朵殿中層臺猶纈綠數顆已標紅傳
說寧成枳題詩或寄筒天成白雲外遙謝一窓風

奉移

孝賢皇后梓宮於靜安莊淒然神傷枚淚賦此

鳳輶平明將奉移欲留不住我心悲幽宮閔殿仍同叙

慧賢皇貴妃哲憫皇貴妃舊安別殿是
日均令祔於皇后之旁如昔日也

舊感新愁並一

時廿載恩情惟夢會千秋

懿德盡人知重垣縱復如中禁腸斷荒郊朔籟吹
偶仿項聖謨松濤散仙卷為小幅輒題其上

隱括長圖意松濤宛散仙飛蘿籠仄澗落葉逐流泉太
古無朱夏一峰凌紫煙何妨苔壁上又識戊辰年

聖謨於圖

間石壁上題戊辰年為
是圖今歲又戊辰故云

孟冬上旬於瀛臺賜經畧大學士傅恒及命往蜀
西諸將士食並成是什

大清聲教暨遐邇豈有來王稽蜀西黷武開邊非我志
安良禁暴藉卿謀行軍吉值初陽復賜食恩同湛露流
轉瞬明年擒逆虜還教凱宴侑封侯

初冬瀛臺即景

蒼松夭矯石嶙峋景物初冬亦可人
雀舫已收廐塢裏
冰牀未出凍溪濱

縹緗棐几愜澄觀
橘月菱窓暖不寒
敬業樂羣當日事
年來此景更逢難

菊芳已歇未開梅朔景靈臺一竭來却憶前年淑清畔
揆賤仙侶共流杯

雨

開冬猶暖雪為雨入夜連纖響砌筠遙識明晨縱遠目
西山應有數峰銀

雪

十月十三日

同雲未肯放冬晴凍雨均霑繼瑞霽著地消融無定態
隨風飄舞可憐生鴛樓有玉皆垂珮雞樹非春率鬪榮

卜麥慰餘饒韻事竹鑪文火煮三清

知時好雪值冬初破蔡明年此兆諸

是月十日於瀛臺賜經畧大學士傅

恒及諸軍士食天氣晴和恩流湛露朕意於數日內若得瑞雪足為明年破金川嘉兆今未逾三日得雪既用

占歲史惟軍祥樂孰如之

不數舞隨曹植馬所欣瑞點晉公裾評將

形色清無比目極髣髴勢有餘却想臺懷駐輦處

前年幸五

臺亦於孟冬過雪

松崖積翠景相如

冬夜涵元殿

下春落金翼暮靄散曛黃溫樹穩棲鴉冰疏含夜光雪

後景氣清壺中松竹蒼朶殿迴天半貌鑪避朔涼玉琴
靜微軫斐几堆縹緗居稽聊自得晝短欣夜長三復蟋
蟀詩好樂期無荒

補桐書屋題四琴之作

舊桐已枯命工斲為四琴名之曰瀛蓬仙籟湘江
秋碧峯禽霜唳雲海移情既成匣而藏之仍置補
桐書屋中徘徊感舊輒以命篇

愛爾特生質成琴亦足豪七條龍在軫四美友成曾非

爨休稱蔡有弦何礙陶即看題句者兩髯點霜毛

靜宜園駐蹕

金川久逆命有征遣王師臨衝習古法茲來閱熊羆子

弟夙所稱

時命八旗軍士就西山所有舊礮習雲梯登城之技以為明年破賊用藝既成將屆出師

故臨閱之有勇方無知肉薄無堅城先聲諒在茲就近

且行賞焉

宿香山名園號靜宜冬山雖寂寞松竹餘丰姿谷風峭
且寒復陶猶不支嗟嗟我征夫嚴冬將發輜人土非所
利善守在四夷是役豈得已予心衆諒之歎懶藉人和

助順憑

天時地利詎足守擒虜夫何疑

金川所恃者地利彼得其一我得其二成功在

指日勗哉鷹揚旅策勲竹帛垂

夜

靜憩剪繁欣夜永
怒號隔戶識風寒
今朝未陟高峰頂
興寄白雲阿那端

刻漏

刻漏丁丁不暫停
眼中隙影耳中聽
例將三萬六千日

漫擬求仙駐妙齡

嘲梅菊

梅之能止於衝雪先其時非所知也菊之能止於傲霜華於冬非所知也藝圃者逞其能於是護菊凋而助梅長有盆梅盆菊爭榮於一時者竭然見之不能無言其亦通於用入行政之方歟

先去聲漏春光如自喜
蘄留秋色了無愁
如何卉裏孤高

種也做偷寒送暖流

難待徵君寒放鶴早過賓客醉題餽失將梅菊本來面
未必濫觴非汝曹

菊秀梅貞自可憐護凋助長使爭妍却虞後鮮真梅菊
為想橐駝順木天

題周鯤仿唐寅終南十景圖

金碧潭

一泓貯天半百道飛峽側林霏紫翠光風漱金碧色高
人坐槃陀勝飲八功德

草堂

屈平未沉湘杜甫猶客蜀千古只一室幽棲景芳躅
羅邇人跡稀吾書吾還讀

倒景臺

迴躡雲霞表下視日月行輞水淙絕崖砉然天樂聲
芳龍立可騎無須九轉成

樾館

喬柯富嘉蔭結宇堪晤息清風與明月靜觀皆自得一

編在手中世人應不識

桃烟廷

勃谿無畝平結此桃烟廷與俱惟顓氣永鎮芳太寧杖
策層巔者不舟而武陵

雲錦淙

有石白可漱有泉清可枕微風時拂之漱澑疊雲錦至
樂合杳冥浮榮何苒荏

洞元室

穴崖以為室偃仰其中處有客抱琴來或是成連侶神
契妙叅同軒軒興霞舉

滌煩磯

萬木鬱蜚雲衆泉泌鳴玉拂軫試一寫不作招隱曲境
寂夫何妨高人樂事足

羃翠庭

疊樹不論層尉作羃翠庭霏烟幾縷白漏天數片青重
見蘇東坡攜來擇勝亭

期仙磴

科頭倚澗松澗草幽蒙茸解散適素襟水碧希仙踪
佳羨望未至白雲重復重

冬至齋居

齋宮仍几此清哦真覺光陰迅織梭靜裏檢量一歲事
何其樂少祇憂多

詣齋宮

玉琯陽將復金街曉不寒綴先考五輅儀衛肅千官

是歲

定邊豆從古式並考五輅大駕之度命
以南郊大祀為始一遵新制云

昭德夫何有正

名斲所安辦香瞻

帝載祭位儼

穹壇

詣齋宮則視壇位數歲來每行之而
咫尺不一拈香瞻禮于心不安故去歲降旨命廷

皇穹宇

臣考古準今復定視壇之前先詣
香行禮並親視邊豆之儀於禮為備稍愜惓誠云

皇穹宇拈

齋室

清心坐憲曦舉眼看明朝修絜祀兢惕志遑寬

冬至

南郊述志

宙祀

南郊殷薦陳鉶籩依古制更新

國朝一切禮儀率依明制

郊廟所用祭器

徒存其名皆以瓷盤代之相沿未改亦不知始訛於何時朕以既用其名宜備其物特勅廷臣議更古制今冬至大祀始用之於南郊一陽資始月纔朔月二日自是而諸祀皆用古禮器矣

六琯均調歲復春昭格敢云歆

上帝敕寧端藉任元臣維揚我武邀

靈貺即看書勲閣起麟

金川本非勁寇祇以用匪其人以致久弗成功茲大學士傅恒

忠誠夙著立志滅寇故用為經畧託

以干城師行之吉卜於月之三日適以預日大祀南郊儼對越於心

尺希慈佑之昭明昌
勝有顯惟期底績云

南苑行宮晚坐憶經畧大學士傅恒

依然庭宇靜
竭爾研甌閒
一室澄心處
兩年曉眼間

南苑

未至蓋
二年矣
衝寒懷碩輔
此際歷重關
所願明天討
成功指

日還

雪

十一月
初九日

伊余有宿心
對雪無不喜
今歲已兩逢
此復勝於彼
恰在仲冬月
偶駐南海子
銀旬致更佳
玉林花散蔕
豈惟

縱目欣為愜祈年美念我同心佐率彼諸軍士驅馳冒
嚴寒縈懷曷能已

經畧大學士傅恒舟渡蜀江賦詩呈覽用其韻答

若濟常殷擬巨川平羗今復率師前行旌冬發真勤瘁
露布春傳此佇延遙度應臨滴博壘底教稍遲去聲蜀江

船四川驛站所辦不協故稍遲行程數千里外寧睽隔心在丹楓玉馬

邊

立春日春帖子

駘宕舒宮柳，芬馥放殿梅。
三陽先月應，萬福共春來。
暖化蓬婆城外雪，晴開滴博戍間雲。
初韶恰並新祥至，三捷應教一月聞。

除夕

省歲恰當改歲時，官家遭際兩評之。
今年頗覺吟情懶，此夕那堪往事思。
願共壑蛇除舊惡，喜因仙木亞新禧。
聲聲爆竹連晨發，火報金川奏凱期。

御製詩二集卷七

欽定四庫全書薈要卷一萬三千三百三十五

集部

御製詩二集卷八

古今體九十五首

已巳一

已巳元旦

曙色蒼蒼五鳳城
晏溫初旭玉樓晴
百年歲月逢元旦
九寓車書奉大清
嘉祉載吟椒頌句
春音佇聽凱歌聲
三辰新轉祥符肇
六氣均調物象亨

新正試筆

履端首祚肇昌辰歛時五福錫庶民三百六句中一日
富貴貧賤皆欣春春雷送響飄瑞葉唐花底用催三疊
青皇布令穆其舒有脚韶光熙以捷捷轉韶光實快哉
花牋綵筆吟興催東風吹西觸物迴迅共西川凱報來
遣興口號

宜入新年百事新底緣不見舊時人吟詩將就成易句
即景勉強酬光春綵旛銀燕迎七日翠匣珠盤試五辛
拂面情雨東風力吹得雙眉莫遣顰

新正重華宮侍

皇太后膳

開紀亞新禧承

歡敢後時青陽臨左个

王母降西池許案還增感萊衣勉自持畫屏層鏤勝寶
樹疊分枝花艷先春發燈光入夜披更期三五月輪滿
泛瑤卮

大學士張廷玉年幾八袞猶日趨朝念其敬慎夙

著持加優禮命五日一入內廷備顧問如宋文
彥博故事更成是什以勸有位

職曰天職位天位君臣同是任勞人休哉元老勤宣久
允矣予心體恤頻潞國十朝事堪例汾陽廿四考非倫
勗茲百爾應知勸莫羨東門祖道輪

新月

非初盈亦非初缺似眉細復似眉顰千古月更千古節
一年新見一年春佳辰不改便娟景綺席難逢伉儷人

擬向曇花參指處色空空即息根塵

即事

即事多欣我底然火蛾玉蕊又韶年那無對景懷偏感
尚有吟詩癖未悛靜聽六街喧爆竹強教小部按冰絃
宵分不寐銀檠下為問飛章報蜀川

漢玉半壁

熊熊乍認朝霞襯規規半露秋蟾暈桂生不斫吳剛刃
葆光蘊藻沉以潤擊之豈減雲門韻庇蔭嘉穀贊靈運

球圖之間永為鎮寸陰是競式前訓

郎世寧玉鷹圖

玉鷹下秋宇棲必老松枝竦視無空濶歛身愁鵲鳴風
塵誰許識條鉞詎能羈擬問蘭臺令奚稱白雉詩

張若澄灞橋覓句圖

打頭笠子冷堆銀攜得梅花過凍津誰道古今不相及
又逢覓句灞橋人

人日

淑氣鬯光春從頭萬事新開韶初得日來復即為人疊
勝花堆玉翔屏燕鏤銀情田在容保治理慕和淳

麗日條風際龍池鳳閣邊梯楊初淡沱溫卉已薦繇無
賴當新節那堪憶舊年靜安朝奠返今日倍淒然

無題

一例韶光同不同倚楹竭爾向東風萬幾就理心無倦
七字成吟興有窮通日邊情縈遠夢當春捷報賴元戎
兩階干羽重華德緬想前徽遲待中

雪

穀日占三白開年第一祥
瓊華連翡翠冰柱綴鴛鴦
易化應春律當空助曉光
蓬婆偏不藉遐意憶西方

閒題

拙速渾無速巧遲獨有遲
常年饒即景適日特艱詩
節物元宵罷飛章子夜披
賢臣勞鞅掌旋凱定何時

辛日

祈穀壇禮成敬述

祭以祈田重淵衷倍恪欽燔柴期有假捧璧惕

如臨籩豆爰遵古采盛匪自今年年躬

祀事切切勵初心

上元夕即景

帝城三五景韶妍即景翻教情惘然佳節風光思往歲

御園烟火待明年

今年以
后喪未踰期
歲烟火之事例弗舉

牽愁椒殿徒

珠綴獻

壽萱庭自綺筵捧爵退階剛月上玉輪好在故團圓

唐寅清溪垂釣圖即用其韻

山參常靜雲參動水任其流舟任停底用蕉邊尋鹿夢
聊因魚樂狎鷗汀

雪

密灑徐飛三日連玉霏盈尺積鱗田縱無白戰搜吟興
可少春來紀瑞編

大學士傅恒經畧西川效忠宣力誅渠魁破堅壘
申明紀律大振軍威番酋窮蹙乞命經畧大學

士銳意蕩平未允其請朕宏解網之仁下詔班
師召大學士還朝襄贊勞績茂著詩以賜之

安邊底績本丹忠請命番酋勢已窮上將有心期利執
大君無物不包蒙那須一月聞三捷早覺千忻達

兩宮晉國勤勞予厯念速歸黃閣贊元功

毆烏何庸盡覆巢好生天地德含包歌成宵雅八章句
著得同人九四爻兵洗蓬婆春淡蕩首稽獬豸面顛顛
蜀民安撫勤籌畫心契元良泰陞交

詠水仙

只宜烟浦更雲涯
溫室清芬特地佳
恰似集靈會王母
玉真勃窣下瑤階

鼇山

瑩瑩春恒識韶莖
夜自吟慣生空裏
象解幻古為今火
樹爭璀璨冰泉細
酌斟靈通能爾絕
未免有機心

雨

候暖因逢閨濛濛
散雨絲洗兵真是喜

是月十七日降
旨允安羅奔降

罷金川之
師故云

布澤可稱時膏遍東南畝波添魚藻池今年

春事早舉趾恰相宜

經畧大學士忠勇公傳恒率師進剿番酋忠誠奮
發志期殄寇執奏再三朕揆勢度理以允降班
師休兵息民為經國遠計彼匈奴未滅何以家
為者乃票姚貳師輩武人銳往立功之概大學
士輔弼元臣抒誠贊化名耀旂常正不必與兜
鍔鬪師爭汗馬一日之績詩以示之

三面姑開格蜀夷來調說鼎佇期之集思廣益卿誠踐
勤遠勞民我不為武豈佳兵應戒彼績惟和衆孰同斯
功成萬骨枯何益壯志無須效貳師

雪

暖融雨浙浙寒凝雪綏綏猶是孟春月雨雪咸所宜雲
容不放晴物意潛含滋渥澤遍遐邇造物恩無私屈指
幾年來曾不數

入聲

遇之卜麥樂無斁祈農志彌寅

填倉日

已是傷神日猶然韶景春三年纔過忌週歲又思人

明圓

園內韶景軒慧賢皇貴妃所居也妃以丙寅年填倉日仙逝纔逾三年而孝賢皇后天遊又將浹歲遇節興

悲亦情之不能已也悲喜曾何定平生難具陳無心饒苑卉特地

更懷新

二月朔日

青陽臨仲朔韶律正光昌樓雪融成液宮花暖鬪芳銀
屏收綵勝釦砌接鴛行籌治惟增惕劬農願降康佳兵
茲已戒文德未云遑風色東來惠心期西去長

聞雁

冰含太液未全消，迴雁初來澤國迢。
疑是戍人愁蜀道，數聲聊爾為宣驕。

山桃

春來無興問芳華，苑監鉚擎幾朶斜。
恰似前年新雨後，

去年東巡今春又未幸圓明園
倏忽花期已逾二歲矣

一枝紅影綠窓紗

漁人未許言歸日，佛子不禁微笑時。
云謝云開都不管，年年常自與春期。

靜安春淚寫無踪底覩山桃試冶容懊惱轉教添爾許

青齊驛路憶相逢

去春山東道中有山桃之作

美人塵土都成例花事今春似有緣

往歲開山桃時多風霾故予舊作有

東風有意桃知否例如芳條占早春之句今春輕陰薄霧花事較佳而適以軍務縈心未命行春之驛故云

偏我行春辜宿約勞心日夜到金川

經畧大學士忠勇公傳恒賜第在東安門內迤北

朕命將作為之經理今奏凱還朝適屆落成為

紀一律賜之

票姚賜第落成新歌凱歸來得意春上將鷹揚今奏績
諸軍鳧藻久懷仁攸芋君子熊羆夢畢駭酋涂匍匐臣
從此坐調熙世鼎敷予教澤萬方均

題秦漢玉章

巧合豐城劍虛傳定武碑象牙渾覺脆金薤敢稱奇印

統符秦漢

玉章十有六為秦璽一漢印十五
考之秦漢印統文紐大小悉合

籀文辨史

斯如逢八元凱可不共疇咨

郭外

郭外烟光散曙林眼前風物助悲心綠含嫩草亭臯曲
春闕重帷路殿深夢境去年徒想像惱人韶景又侵尋
泰山土壤曾何異自咎無端六御臨

草色

通日未行幸不知春色來今朝鳳城外綠草迎人佳含
烟繡村籬浥潤霏騰隈苑枯誰為之消息有是哉觀象
得至理韋編不須開

春仲經筵

瑞日輝春曉不寒特開廣殿集衣冠舞干未逮重華德

放馬何期遠服安

近因金酋稽顙乞命特命允降班師故云

小往大來成泰

運推人盡已具心官

是日講四書夫子之道忠恕而已矣及易經上下交而其志同也句

申咨魚雅章縫侶莫作崇儒例事看

漢玉圖章歌

他山之石琢磨之古文繆篆精且奇不一其人亦異時
何來薈萃珍無遺如入五都紛陸離紐檢錯見龜壇螭
切牙鑄金徒爾為印統漫惜差毫釐刻舟求劍達者嗤

一再考玩有所思抑填者誰葆者誰

春仲瀛臺

幾閒清蹕幸瀛臺行樂熙春亦快哉鏡裏軒樓如畫裏
秋迴鳬雁到春迴鳥能言勝蠻絃譜花自裳非羯鼓催
通日西川聞凱報得教福地一徘徊

二月十四日經畧大學士忠勇公傅恒奏報金川
番酋莎羅奔狼卡攜其徒醜相率隨提督岳鍾
琪以二月初五日親詣軍門築壇納款匍匐稽

穎永矢歸誠經畧大學士升帳受降開誠撫諭
遠近番漢官兵觀者數萬衆靡不歡呼忭舞膚
功克奏邊境敕寧露布驛聞喜而有作

止戈為武信其然我澤如春經畧宣共喜捷音來玉闕
何殊俘虜自金川番酋路左心傾服軍士行間氣倍鮮
單騎汾陽休比擬都因忠赤格

穹天

花朝放歌行

去歲花朝客中度驛路煙光看似霧青旗步障縱未張
節物春郊欣共遇今歲花朝居法宮一例韶辰興不同
椒閣錦衾仍有爛藥欄紅雨了無悰花朝花朝嗟爾胡
為乎來哉亘千古祇此日今鮮教人喜多助人哀所以
釋迦老子證無生忍於此日度未來世均令形如槁木
心如灰

陰

通日常作陰足覘天地和北方艱春雨慮少豈慮多孟

春膏澤普生意綠婆娑仲月已過望舉趾聞農歌浹旬
知可待朝暮早延俄籌邊慮稍紓
通日金川祈年憂則
奏凱故云
那

夜雨

晚風收樹杪夜雨灑窓前疾點聲方壯徐零勢復連時
哉真愜望喜矣不成眠明日新晴好耕犁徧大田

清明日靜安莊酌酒

殢人春節感無端助感那堪酌靜安正是朝來傳禁火

兩眶清淚一心寒

青齊客歲魂堪斷
同去誰期便永分
小杜七言真觸景
清明時節雨紛紛

題金鉉白鷗話舊圖

迴峯合沓隔塵界
古木槎枒蔭夏寒
著個危亭筠堰畔
祇宜靜者結金蘭

吳應枚摹王維江村雪意圖

瑞霙作勢正瀟瀟
凍浦漁舟不可招
曾識王家真面目

畫禪室藏王維雪溪
乃董其昌鑒定真跡
試尋蹊逕未云遙

御園春仲書事

行時來御苑泛舸溯仙津
雪嶺方銷戰金川已化仁
敢忘心益凜嘉與物偕新
駘蕩青韶景芊綿綠草茵
雲容頻欲雨花意不勝春
曉日臨勤政疇咨引席珍

含韻齋玉蘭

迎軒木筆發華姿
細雨前朝與濯枝
且喜未曾開爛漫
恰教聊此對依遲
謝家庭砌真無匹
江令風流能爾為

最是當年歡賞處一迴青睞有餘思

雨

春霖三日繼膏澤
邇年無韶景添瓊苑
新波漲御湖
著花渾濯錦
並麥勝垂珠

天眷真優渥
欽承勵本圖

不疾不徐勢簷聲已細
斟烟光春樹合
黛景暮山沉
米畫迎眸賞周詩
即事吟賢臣
雖跋涉喜雨定同心

侍郎沈德潛以能詩受知
因命編校御極以來詩

集既竣事念其年將八袞許之歸老吳中賦此

以賜

清時舊寒士吳下老詩翁向每誦新句猶然見古風行
歌非杜誤晚達勝郊窮三載春卿署扁舟故國鴻還朝
嘉爾信毓德啟兒蒙

德潛侍諸皇子講讀前年請假南還慮其年老將不果來後竟如期

赴闕朕甚嘉焉

辭老思尊碧遺榮解組紅豈能頻強起且以風

去聲謙冲近稿經商榷相知見始終

聞山東得雨

青齊民事正籌斟大吏封章報好音去歲災黎猶在目
今年春雨最關心稔知麥隴深含潤喜復禾田早被霖
敢恃

天恩矜愜意祇承嘉貺倍增欽

建福宮紅梨花

不計香風幾度頻嬌紅嫩綠各爭新最憐雨後偏饒韻
底事春來易愴神葉態花姿剛相入聲稱蜂衙蝶陣豈無
因一枝佛鉢堪清供便欲因之悟六塵

豐澤園演耕

帝耜耕將舉苑卿甸早治多因重稼穡詎祇習威儀沃壤南東矣新犁往復之鳥鳴春欲半蠖屈土全滋農父

荷鋤立親藩布種隨

演耕之禮自則司農布種三王五推此則率以

皇考始之耕耜

親藩布種用訓勤農遂成典制云

滄雲欣有渰膏澤被無私每以試耕

日頻思觀禮時幽郊宛在目不必詠周詩

仲春瀛臺即景

輕雲遲日試耕天豐澤耕餘一泛船鏡裏林花舒艷裔

雲邊樓閣隱神仙
智仁樂處山兮水
飛躍呈來魚與鳶
書屋脩閒甌硯淨
每教清蹕為停延

耕藉日作

吉日臨柔亥親耕舉
暮春崇班率三九本
務倡臣民周禮威儀
具幽風景物新雲容
將釀雨膏澤應經旬

夜雨

已欣雲意濃復慮風
勢作今春勝往春便
晴不為惡而我重祈
年霑足心乃樂入夜
鳴條寂泠泠聽約畧
竹葉

聲乍傳簷牙響爭落喜劇不成眠遐心到村郭及晨試
新耕雀忤當何若

雨中太液池泛舟

太液新蒲拂畫船兩行水樹罨朝烟浥枝潤葉知時雨
列坐流觴上巳天鳥奏繁音爭管急魚鳴錦浪感紋圓
前朝豐澤親耕罷却喜甘膏渥美田

題盆中偃松樹歌

一拳之石泰華同一勺之水溟渤通於何見之於盆中

一株天下無真松問年火劫為始終問形勢欲挈雲空
春風秋月鬱葱葱梢為華蓋身為龍不隨綺里夏黃公
漢廷待詔來東方叶鐵榦硯神以豐憶我盤山曾道
逢又憶貌者蘇髯翁東坡有偃松圖石渠寶笈中神品也前過定武時在
冬吟哦雪浪興不窮石盆宛在翁無踪松乎松乎翠自
濃

經畧大學士忠勇公傅恒奏凱金川率領諸將士
還朝錫宴豐澤園用昭飲至之典即席得長律

一首

卡撒功成振旅歸昇平凱宴麗晴暉兩階干羽欽虞典
六律宮商奏采薇湛露應教頌幕殿甘膏更慶遍春畿
持盈保泰咨同德偃武修文凜勅幾

金川歸命實惟

列祖篤祐垂庥已遵循令典遣官告祭復親謁

孝陵

景陵

泰陵用申忱悃以三月十三日發京師駐烟郊途中即
目成咏

遠服歸王化

宗功實式憑當春嚴法駕擇日上

先陵陌草青無盡堤楊翠欲凝迎眸膏壤潤乾惕倍因
增

麥

今年天惠均春膏近遠同適以武功就展謁駕言東漁

陽四境間二麥皆芄芄綠意含風新生機飽露濃屈指
十三年此景得未逢餅餌或可期倉箱詎易充樂歲志
云慰憂民心曷窮

題翠雲山房

翠雲山房閒以靜暮春清蹕一經臨連林新綠間舊綠
入戶泉音復鳥音景齊今昔邈澄觀去聲興寄烟霞悅道
心擬驂巖鹿凌絕頂見人驀入青楓深

桃花寺晚坐

迴蹕駐林齋悠然與意諧
泉聲經雨壯山色為春佳
月白新懸鏡松黃半落釵
前年曾靜憩今夕更澄懷

薊州道中作

薊州南郭經行處每有新詩賦
物華十里綠陰籠客路
一灣流水護農家

警蹕何須戶盡扃問農常為六驂停
今年春雨欣霑足
下隰高原一片青

去歲冬月駐南苑行宮有憶經畧大學士傅恒之

作茲以金川平定恭謁

孝陵

景陵迴鑾取道南苑往易州恭謁

泰陵駐蹕行宮見壁間舊題輒疊原韻

早傳三箭定稍得萬幾閒迴蹕經臨便逾年想像間軍

聲揚雪嶺輿頌溢桃關

經畧大學士振旅而歸成都士民迎至桃關歌頌載路此所謂

父老扶杖以觀武成者乎離聚何須論心同孰往還

蔭榆書屋作

地僻一室幽春深滿院碧生機老益堅麤皮古而澤我
來對貞幹拂我琴齋席窓外弄影疎庭前吟籟劇別我
曾幾度風月等過客興會發今宵景光緬疇昔

春蘭

春蘭今日識其真一種王香最可親底事閒情遙望古
竭思澤畔品題人

過盧溝橋

石橋雁齒度盧溝兩岸來牟綠正稠風裏菰蒲颭遠漵

春來鷗鷺滿橫洲閒心無那悲歡緒野水依然左右流
東去直教滄海達誰能一葉放扁舟

良鄉行宮晚坐

離宮據平楚結構戒巧竒頗欣軒宇幽駐蹕適所宜春
風三月和寧地綠楊枝尋途得其門入室寒我帷我几
淨以陳憑之吟我詩猶憶去年秋蜀川羽檄馳謁

陵曾駐此籌邊勞思維爰命同心臣為我視六師啟行
舍縣城五里近在茲南望塔影孤尚餘離別思何期三

捷迅振旅歌采薇匪惟慰契濶亦用紓疇咨休養有後
圖遑敢弛敬寅

射

離宮停蹕多餘暇每集親臣射廣場德可觀今因以習
武雖偃矣未宜忘

時方平定金
川班師奏凱

清和節近遲行漏楊柳

風輕試淺涼儘有鄒枚屬車後載賡催進角弓章

秋瀾村

村喜秋瀾名不俗來當春日景多清蘅臯蔚雨生機滿

松嶂橫雲畫意迎

永慕齋作

展謁東旋此屆西

二陵王氣鬱葱分曷勝永慕攀

軒劒實藉

洪禧定狄鞮歲久綠楊陰滿路春來膏雨潤霑犁耨邊
通日憂心釋略得吟情觸緒題

巖館高閒足靜怡雲軒月戶恰當之紅稀流水落花際

綠重殘春首夏時幾務不遑心自勑好書隨在手重披
明朝禮畢將旋轡瞻戀寧關惜景遲

夜雨二首

有滄山雲傍晚濃春霖兩度謁

陵逢

昨東謁
展謁

孝陵

景陵之日曾遇微雨今將

考示歆乎慰感
之餘益深敬畏

洗兵慶洽衆區願

嘉貺欣承勉敬恭

方塘如鑑寢齋前點滴聲宜枕上傳且喜一犁深益麥

何妨半夜不成眠

董邦達山水小幀

林岫空亭

笠檐四柱絕纖塵
嵐靄峰巒變態新
底事亭中無坐客
讓他千古看山人

孤石蒼筠

青牛經雨莓苔潤
綠鳳因風韶濩鏗
氷雪雅懷深契處
介然靜復灑然清

松雲蔚秀

丹青奇絕由心匠
寸楮收羅萬疊山
我亦因之步松徑
翠微深處每忘還

平林翠黛

藉甚倪迂與大癡
筌蹄忘即兩魚之
平林翠黛無多景
雅稱詩人意與遲

溪村庵畫

攜得行滕便靜觀
溪村即景對秋瀾
板橋夜雨添新漲

茅屋晨光轉薄寒

梧竹延清

小立無須信步行蕭然梧竹喜雙清
曛黃未肯尋歸路為待宜人古月明

蘆磯獨釣

石磯跼餌荻蘆蒼詎為槎頭縮項魴
無盡烟波傲風月任教清濁付滄浪

霜林步屨

漸染濃青作淺紅
蓀收繪事比春工
詩家體物誰深造
小杜風流老杜雄

烟巒疊翠

几上誰教萬嶂橫
許多溪壑許多情
恰如詠物初無句
意到淋漓信筆成

江濤帆影

名人入剡一帆收
怨婦何須祝石尤
只有江濤千古在
春花秋月自東流

寒雲梅塢

不放雪來虞遜色却遮風去為留香凍雲未是無情者
惜玉應教獨擅場

松崖苔磴

揀擇雲崖結草亭威紆翠巘遠為屏長松落落發天籟
更步丹梯試一聽

夜

行宮瀟灑地春宵偶棲遲軒閣靜以佳起居適所宜萬

竅聲既息封章亦罷披寶鴨蘭烟炮銀檠蓮燄垂迴憶
一月前頻問羽檄時夫豈願佳兵曾聞詰戎師集事賴
賢臣革心徠遠夷居安益兢兢永言念在茲

良鄉道中作

前蹕盧溝近行旌易水迴蘭衢經雨潤麥隴望秋來往
事何多矣今春差幸哉心源稍濬淪觸緒一吟裁

張若澄仿王蒙松澗鳴泉小幅

飛流出峽鳴偏壯偃蓋過雲翠更濃憶我昨秋策輕騎


中盤精舍邠邊逢

三月二十九日作

陰陰苑樹新霏綠，
藪藪蹊花亂雨紅。
九十三春倏已過，
今歲迴難同孰為有住孰無住，
半是愁中半喜中。
十四日金川平定稍解籌邊之憂云
檢點喜愁何處著，
一齊排遣付

東風

御製詩二集卷八



總校官庶吉士臣侍朝

校對官編修臣楊壽楠

校對官檢討臣郭寅

膳錄監生臣熊輝

膳錄貢生臣李炯

欽定四庫全書薈要

集部

御製詩二集卷

十九

詳校官原任編修臣徐立綱




欽定四庫全書薈要卷一萬三千三百三十六

集部

御製詩二集卷九

古今體八十二首

己巳二

侍郎沈德潛予告南還進呈紀恩四律依韻賜之

花甲舉春官玉署皤皤冰雪顏道在心期耽素帙
老來歸計指青山烟波應共聞琴鶴詠賦休疎馳字鵬

命德潛有所著
作許寄京呈覽

高尚特教還故國清標終惜去朝班

年來朝夕值書廬兒輩詩文啟迪餘故事舊傳榮祖帳

鄉風好在足尊魚靈葆藥劑供延壽賜帛衣裁稱遂初

德潛將行賜
之人復宮帛爾自一舟歸浩蕩望窮潞水暮川虛

君職臣司祇一欽得將餘事寄賡吟笑予結習多難遣

嘉汝臨文不忘箴欲擬元音崇淡泊相商時調去艱深

近稿曾命
德潛校正此行試問生涯處香水寒山適靜情

林下優遊樂薜蘿依依老景任婆娑善教故里成通德
詎止幽人詠碩邁儘有烟霞為供養正賒歲月入謳歌
許卿望九還康健祝壽重來拜玉坡

常雩禮成敬述

載舉常雩祀

泰圓春霖早慶遍公田更因霑霈求優渥敢恃

帡幪弛敬虔樂具卿雲扶瑞日禮成和氣散祥烟

南郊近日邀

殊貺果得膚功定蜀川

上年十一月二日冬至有事於南郊即於次日命經畧大

學士傅恒啟行纔屆兩月金川平定奏凱班師實邀上天福佑云

清和

清和天氣佳膏澤遠邇逮二麥既望秋禾黍亦均藝往年春苦旱愁雨都成例今歲何厚幸優渥霑

天惠淡蕩天宇明極目空澄際時縱作微風風止無塵翳予心以稍慰庶政籌次第況復息兵戎來格服番裔賢輔日贊襄庶明職交勵永維保泰機乾勉持盈計

芍藥

墨辛夷開香滿庭井欄底用護花鈴東風却未曾吹得欲擷芳菲意轉停

御花園古柏行

檇藻堂邊一株柏根盤厚地枝挈天八千春秋僅傳說
厥壽少當四百年御園松柏森森列居然巨擘標蒼顏
粗皮碑兀心不死倚壁如拍洪崖肩左日右月為兩目
春草秋花叅四禪仙人煉氣不煉肉形若槁木神乃全
昔者公旦象六爻是為九二見在田又如瑤池會王母
赤松子應領羣仙韋偃直榦不可得而今誰者以神傳
洪宣承平此曾閱甲申桑海無還丹喬木頗與世臣類

作歌詎止斐鴻篇

題褚摹蘭亭卷

登善當時司檢校韓馮摹本反無真

米黻跋蘭亭帖云唐太宗既獲此書

使馮承素韓道政之流摹賜王公因知直道在千古非

以其書究以人

黃公望秋峯聳秀小幅

峰峻水潺湲精藍樹欲殷津塗銀峽口磴道白雲間
四序原無住山僧只自閒香光正法眼粉本認虞山

浴佛日漫作

庭槐嘉蔭綠婆娑雨足郊原樂事多
愁喜幻緣都遣盡閒情贏得閱清和

詠玉爐

伊誰割璞為磨鍤蟠夔直紋制從周
博山應薄遺炎劉肯教甲煎豔香留
寶茲韞德兼剛柔虹光十丈屋梁浮
題王羲之七月都下二帖真蹟卷

墨蹟與鈎櫺品如形影分千秋賞鑒家聚訟徒紛紛二

帖名久羶片羽真不真貞觀暨紹興小璽文如新聊當
面目觀還輕耳食倫

玉甕為金元舊物嗣淪沒古剎中以貯菜壺後購
得仍於承光殿前為起一小亭置之並命內廷
翰林等各賦一詩即刻於楹柱偶幸承光殿復
成是篇

幾年蕭寺伴寒壑仍置承光煥彩霓夢覺金源成故蹟
聲騰玉署艷新題若為巧合延津畔竟得天全露掌西

松杪照來千載月夜涼依舊景淒淒

金川納降奏凱悉由

聖母慈訓既敬上

徽稱以崇鉅典并遵

懿旨冊封攝六宮事皇貴妃慶禮既成迴憶往事輒益

惘然

番服徠柔奏凱旋更欣春雨遍公田深叨

慈訓遐荒定敬奉

鴻稱鉅典傳和衆安民常切切持盈保泰益乾乾六宮
此日添新慶翻惹無端意惘然

首夏幸圓明園西直門外即目三首

鳴梢曉日鳳城西潤逼郊原綠意齊魚海洗兵蓬苑麗
清和景物待新題

嘉禾入夏麥臨秋接葉陰中喚雨鳩敢懈宵衣并盱食
詎圖後樂祇先憂

來往蘭衢每問農為生慶慰為無悰麥芒潤露桑陰滿

此景常年得未逢

首夏奉

皇太后御園行樂之作

人事天時兩相諧御園行樂豫

慈懷春歸花木猶饒麗雨後池亭是處佳
魚織錦紋浮翠浪鳥鳴仙樂下瑤階
雲牋玉几纔堪對急管繁絃概可排

餽麥

夏至麥方秋今年麥秋早胡先半月期都為春雨好較
晴量雨久頗悉農之道朝來膳碾飮翠滑供快飽底須
以彘嘗土物甘為寶更喜青齊間普豐賴天造諸事遂
敢矜一心敬常保

雨

四月十八日

今年春雨佳二麥芄青穠下稻暨高黍次第種已概入
夏乃逾旬望雨恰厓意欲速縱所戒先憂頗難置十四
年此心始終無或易叶夜來雷雨作時止時而細詰旦

始沛然根芽潤胥逮來牟固有秋百穀暢生遂洗兵天
意諧息事人心契自顧德誠涼詎致諸祥萃永奉四字
訓敬天勤民寶皇祖皇考所用貽時康敢自
恣留至今此誠四字家法也有詩載集中

青龍橋西

孟夏景宣暢駕言臨靜宜宿雨清蹕塵策騎石橋西麥
隴與黍田綠意懷新齊此道屢曾經穡事春秋咨北方
例春旱大田每如期昨秋及前歲西成已幸而今乃並

麥收餅餌足無疑
况復百穀類怒生
總離離十年曾罕
逢一旦乃遇之
覩茲那無慰
既慰繼以思
持盈守乾惕
究鮮歡豫時

初夏香山雜詠

御園自是湖光好
山色還須讓靜宜
乍別林扉剛半載
初來恰值小年時

山容經雨鬢初沐
松吹因風籟益清
更喜烟雲無定態
半川陰靄半川晴

苔磴花茵坐憩諸層巒劉覽會心餘拈毫無暇搜竒句
却恐山靈笑懶疎

逕曲陰濃藏岵嵒不見人行駐人語林稀乍似咫尺間
行來又復遲爾許

步入仙巖藥草芬鐘聲時隔碧峰聞茶烟一縷纔升鼎
冉冉鋪空便作雲

清和林谷靜無塵迴憶憂欣底是真絕塞銷兵春雨足
得教巖館暫怡神

金蓮花

金蓮花生於五臺初不知何名

皇祖賜之名而植之避暑山莊茲香山亦種之是卉宜
於山故繁滋特茂焉偶臨山館恰值敷榮輒以命
篇

林齋治圃種金蓮的的舒英映日鮮擬合送歸學士院
不然宜傍老僧禪誰雕琥珀為趺萼最厭胭脂鬬麗妍
設使因風落天半維摩室應繞床前

碧雲寺

幾年吟望處此日憇遊時
檀捨非希福林巒好訪竒
青霞滂掩映玉筍遠參差
返駕山園近清宵靜更宜

雨

朝烟纔泮暮雲濃陣雨旋過
傍檻峰玉乳淙淙鳴細竇
芝英淦淦沐幽茸梳翎閒看
松邊鶴送響時聞院外鐘
返照一天晴更好萬山爭濯
紫芙蓉

雨後

雨後來仙館溪聲亂澗繁清芬生蕙芷靜趣在琴尊契
道無多意吟詩那易言芸編紛挿架取便一抽翻

玉華岫

香山佳景二十八玉華岫占秀且奇側峰橫嶺盡來會
朝霏暝靄常相宜石磴曲折綠陰密坦處葺宇鄰招提
皋塗精舍更幽絕窓納萬景憑陵之我駐香山無不到
到必一為留新題即今石壁所勒字頗有莓蘚蒙茸而

題靜室

到逢三伏猶無暑況是清和雨後來半晌不妨聊止息
一心何處惹塵埃

松籟蘿烟淨有餘好從雲外卜山居仙人石室芝英長
不解求仙莫浪鋤

遊香界寺諸勝

問景當初夏遊山趁曉涼無多攀石磴乍已出雲匡捷
徑欣初得臨高俯下方萬緣參輻輳一念靜商量

前歲出靜

宜園前門歷法海表忠諸寺取道杏樹口轉而北始至
聖感惜其傾頽捨金修葺因易名曰香界今因山園清

暇減騎登園內高峯出西北門遂沿橫嶺而南雖歷少
險而既得其居高臨下之勢遇險即夷直徑無比較前
歷紆遠蓋省十之四五大學士忠勇公傳恒隨行因憶
其在軍營欲據中峯而下者意正同且為學為政之方
均有類此者故並記之

靈洞孤雲頂

寶珠洞在香界之上

天龍護佛龕濕嵐常醞雨夏草

正霏飗暫據一窓迴平臨萬景函却從蘿棧下香界在
其南

香界開香積伊蒲我未能

是日傳膳於此雖八珍有戒而伊蒲素膳實所未習故戲

之及傳餐休衛士諷唄厭山僧谿壑堪尋樂松篁可作朋

寶珠欣得概樓戶不重凭

歸騎盤崎路挈壺始報辰前番頻所歷一霎頓為新

自香

界而下仍由杏樹口故道而返香山視事是日吏部帶領引見

世事全無定人情底是

真便開勤政宸吉士細搜論

自香山取道玉泉傳膳視事畢遂刺舟由西海至

暢春園問

安歸圓明園雨後澄霽軒齋靜敞喜麥禾之兆豐值筆

墨之含潤欣然拈韻斐爾成篇

山園雨霽曉輕寒
詰曲蘭蹊露色溥
便到玉泉因視政
喜看瑞麥為加餐
一舟蘋沼思為楫
三日

萱階切問

安

香山駐蹕三日

過午幾閒臨後苑
研香甌淨適澄觀

古銅鑑歌

軒轅液金作神物
德合天地明日月
陰陽精氣此蘊鬱
萬八千春豈湮沒
丁甲護持魑魅被
中圓光外綠雲蔚
如星重輪麗天闕
四靈五嶽卒難核
漢唐俗製氣早奪

其祥應不讓屈軼以燭賢奸洞心骨

雨

前朝好雨剛新霽有淦萋萋優渥繼近畿今歲勝常年
額手休和感

天賜保陽一帶麥亦佳適聞頗有待雨意陣雲頃望迤
南濃滿蘄霖霖公田被餅餌千家庶可期黍高稻下蘇
新翠靜對濛濛縱慰欣卜度彼地增憂思一夫不獲時
予辜數郡民瘼夫豈帝

漢玉秋蟬有雕檀木為蕉葉以承之者竭爾觸興
率成是詩

誰製玉為蟬誰刻木為葉玉人與木工本兩不相涉二
物偶付託詎是精神接新蛭鳴綠陰視此孰莊蝶

雨後

雨後園林爽氣生凌晨視政接公卿

是日御門理事

勅幾聊復

餘清暇適興仍無值快晴乍喜蒲榴迎午放更斬禾黍
遂西成香山送得盈窓翠濯濯烟鬟樹杪橫

孟夏下浣之七日

皇太后賜膳於

暢春園之集鳳軒是地近大西門去歲習射於此發
矢二十中十九因用齊召南韻成詩四首勒於
壁間茲以侍

膳視事之暇陳馬技以娛

慈顏親發十矢復中九且破其的者三焉
聖母豫悅仙苑增春輒疊舊韻以誌歲月

萱齡長此祝如山鏡面軒齋圖畫間樂對清陰蒲節近
欣陪

色笑鳳樓閒勸餐敬進仙厨膳視事旋催朝士班馬技
更陳新雨後遙峰澄景黛蛾彎

封事籌裁懼弗當無私兢業奉

元黃蒐材常冀空羣駿較武均期中葉楊每切祈年咨
穡務豈惟問景賞烟光賢臣集事窮番服烽息今休戍

白狼

去歲金川用兵故有金川況未靖天狼之句今大
學士忠勇公傳恒平定金川奏凱還朝復值時雨

常需稍解
朕憂矣

心殷

愛日奉維嵩涼室溫閨地不同

集鳳軒亦新修飾以奉夏清之所

喜向

座前親捧爵更看樓外競彎弓高岡姜奉將儀鳳閒館

蝓蛸陋射熊

家法儀型巍蕩近此勤民政亮

天工

罕地楊絲拂玉鞭蘭舟遙待葦洲前試調馴馬雲中錦

便泛澄波鏡裏天
疊賦新詩酬勝會
喜緣甘雨遍公田
惕乾未敢忘初志
多故猶然憶去年

僧懷素自敘真蹟卷

自敘曾聞世有三
丹陽里巷艷叢談
張顛元奘多傾服
草聖禪機青出藍

雲中龍爪不模糊
妙法曾經悟擔夫
豪宕精神枯淡志
恍看李氏醉僧圖

聞保定得雨

遠自滇南近京畿春收都報今年好齊魯災餘麥為秋
蜀秦兵後穀惟寶雨晴幸得皆應時額手為民感大造
獨有保陽四五郡昨聞望雨心如禱封事傳來快一披
盈犁頓覺蘇枯槁二麥原能過半獲大田生意芄青秒
休和存至豈德馨凜乎敬奉持盈道

復雨

乍熱纔三日為霖復一犁麥收誠已定禾長又將齊林
壑景堪賞蒲榴節好題洗兵和衆庶靜驗識端倪

夜雨感舊

暮雨纔收夜雨隨
忻餘翻覺助清悲
天中節近麥秋好
合是常年共賞時

五月朔日奉

皇太后御園宴賞之作

黼席蒲觴答令辰
天中景物一番新
雨餘山色深於黛
風定波光正可人
麥已到秋撲隴亞
榴初明火步檐巡
歡顏

上食還增感前歲今朝事不倫

蕉窓夜雨

優渥公田遍雨晴皆適宜綠蕉生響處隔戶試聽之點
覺疎還密葉應起復垂絕勝前歲况頻恐未霑時

夏景松泉竹石圖

虬枝謾天籟鳳影寫秋泉始靜宜清聽既深悅定禪
覺生寺少坐即事

曉烟濃未泮夜雨勢正留肩輿尋郭途麥禾競油油精

藍屬路便傳餐少憩休竹柏深成林野花芬以幽徘徊
十笏地去歲景如流今昔豈異矣久暫寧忘不灑淚向
靜安萬慮吁紛投

靜安莊酹酒

日遠何堪已閱期惟因路便一臨之蒲樽三奠悲無那
又是天中節屆時

夏日齋居

方澤將臨祀清蹕返法宮齋居用蠲潔漏永南薰風春

夏雨早霑麥禾可冀豐迴憶數年來厚幸鮮或逢平秩
欣南訛益切乾乾衷

午日

午日值虔齋風光亦足佳蒲樽屏弗舉艾虎例猶排
馥盆中蕙成陰戶外槐對時茂長養不息悟根荂

夏至

北郊敬成

致育基貞固

直方配

大圓詣

壇疎去歲

去歲事遣王恭代行禮

北郊以有

喜雨值今年

往歲春夏之交無不

望雨夏至前後霑足即為厚幸今歲自春初至今雨暘應時實所罕觀云

質曉趨墳陞

明禋潔豆邁休和惟幸遇圖永勵勤乾

北郊禮成詣

暢春園問

安道中即目三首

澤壇歲事迴仙苑小仗黃麾御陌排

凡祭祀皆用大駕
鹵簿茲因祭罷路

便即迴御園故
命用騎駕鹵簿

三日玉階疎問

寢先咨溫清謁

思齋

菜畦黍隴接村籬雨足郊原事事宜
官柳參髣晨露潤
綠陰濃處翠華移

高槐初聽試聲蟬餅餌香風颺曉烟
一例輕輿憑眺處
題詩也覺勝常年

夏日香山

幽僻林泉近可尋，幾閒便與一登臨。
詩裁每到隨時異，山色不期共夏深。
日午松梢團覆蓋，雨餘澗底亂鳴琴。
邇來略得消煩慮，愛向仙區悟道心。

熱

寒暑皆天運，惟其時則宜。
麥秋梅雨候，羲輪迴馭遲。
數日氣鬱蒸，祝融職其司。
乘涼古柏陰，俯泚流泉涯。
觸石生靈雲，拂樹動輕颼。
夜雨復將零，颯爽明朝披。

山行遇雨之作

夜雨纔收曉雨霏因風拂面一絲絲忽然急點催如注
松塢雲莊信步歸

別山常見生雲靄比入山中不見雲始悟山遊雲是伴
雲山共我倩誰分

瀑聲猶是宵來響山色都因雨後佳最喜盈眸堆濕潤
不教纖翳惹澄懷

香山聽唐侃彈琴

經年唐侃琴音寂好是山深過雨初欲借散懷先屬付
撫絃切莫奏關雎

爽

一雨如期盡滌炎山中颯爽十分添花香鳥語無邊樂
近景遐觀取次拈細霧常霏雙足底輕雲猶戀半峰尖
雄風披處心誠快已見千村足碾飣

玉乳泉

一泓堪作鏡幾曲忽鳴琴象與體無涉名非實可尋若

為相假借藉以入哦吟喆爾歸澄觀

去聲

悠然徹遠心

山泉經雨壯石罅噴珠花便拾松燃火因揩甌淪茶底
須開北戶雅稱讀南華移得簪簪綠垂枝幾個斜

題王羲之遊目帖真蹟

真是吉光片羽宛然入木七分瀟灑三希畫永別逢晉
右將軍

汶嶺峨眉好在蘭亭樂毅剝名怪底龍跳筆法鼻祖白
雲先生

題平安月鏡居

以竹為舫既輕且樸故錫之名而題以詩

裁就平安竹裝成月鏡居
臥遊常泛泛興寄自如如

浦畫非幻黃岡記

用黃州竹樓事

亦虛一般君子號在水友矣

渠

泛月

雨淨天光雲斂空
御湖初遞芰荷風
琉璃世界虛明景
只擬銀河路可通

扁舟又泛今宵月
一夢還思舊歲人
正待尋歡期適興

無端即景更傷神

題董邦達山水幅

不經意想饒神契盡得風流遠俗緣
濕潤重重山蔚秀
濃青靄靄樹生烟
構將野閣堪憑檻
滙得平湖合放船
興到題詩乍迴憶
小成離別動經年

玉泉

玉泉清徹底
荇藻無纖鱗
取譬有所思
含垢能容人

月

入波曾不濕當夏也教涼無改千年度依然今夕光筠
簟疎弄影荷芰靜生香一節猶微欠良宵未肯長

黑龍潭

趁爽事山遊靈潭近廿里蘭衢露氣濃夾路黍田美麥
秋已登場村墅堆如坻相聞雞犬聲勃見炊烟起歡餘
看不足緩轡行迤邐仙宮標層巔如吐青蓮葉拾級登
巉巖廟貌虔鞠脰非祈亦非謝邀貺誠多矣際和敢忘
惠加敬庶綏祉小憩默以思絜矩為政理

御製詩二集卷九